



# RÍKISLÖGREGLUSTJÓRINN

ALMANNAVARNADEILD



## FUNDUR VÍSINDAMANNARÁÐS ALMANAVARNA

Dags: 06.10.2014	Kl.: 09:30	Staðsetning: Björgunarmiðstöðin í Skógarhlíð.
<b>Fundarefní: Umbrotin í Bárðarbungu</b>		
<b>Fundinn sátu: Vísindamenn frá Veðurstofu Íslands og Jarðvísindastofnun Háskólans, ásamt fulltrúum frá Almannavarnadeild ríkislögglustjóra, Umhverfisstofnun, Sóttvarnarlæknis og Vatnajökulsþjóðgarði.</b>		

Meginefni fundar
• Eldgosið í Holuhrauni
• Loftgæði
• Sviðsmyndir

Fundargerð
<ul style="list-style-type: none"><li>Gosið heldur áfram með líkum hætti og áður. Hraunframleiðslan er stöðug og rennur hraunið til suðausturs frá gígunum og út í Jökulsá á Fjöllum.</li><li>Sigið í öskju Bárðarbungu heldur áfram með svipuðum hraða og áður, örliðið hefur dregið úr stærð stærstu skjálftanna.</li><li>Sjö skjálftar stærri en M3,0 hafa mælst frá hádegi í gær, allir við öskju Bárðarbungu. Sá stærsti var M5,0 kl 16:58 í gær.</li><li>Mjög lítil skjálftavirkni mælist við norðurhluta gangsins.</li><li>GPS mælingar sýna minniháttar hreyfingar.</li><li>Engar breytingar sjást á vatnamælum sem ekki er hægt að skýra með veðurfarsbreytingum.</li><li>Jarðskjálftar hafa mælst við Kópasker síðustu daga. Síðustu tvo sólarhringa mældust sex skjálftar stærri en M2,0 sá stærsti M3,4 kl. 9:34 í gær.</li></ul> <p>• Loftgæði:</p> <ul style="list-style-type: none"><li>Í dag (mánudag) og morgun (þriðjudag) eru líkur á að gasmengun berist frá eldgosinu til vesturs og suðvesturs. Því gæti mengunar orðið vart á svæði sem afmarkast af Snæfellsnesi í norðri og suður á Reykjanes. Möguleiki er að mengunar verði vart á höfuðborgarsvæðinu um tíma. Spána má sjá á <a href="http://www.vedur.is/vedur/spar/textaspar/oskufok/">www.vedur.is/vedur/spar/textaspar/oskufok/</a> Einnig má sjá gagnvirkta kort af gasdreifingu á síðunni <a href="http://www.vedur.is/vedur/spar/gasdreifing">www.vedur.is/vedur/spar/gasdreifing</a></li><li>Á forsíðu vefs Veðurstofunnar er vefsæði þar sem fólk er beðið um að skrá brennisteinsmengun sem það verður vart við, sjá <a href="#">skrá mengun</a> í haus vefsins.</li></ul> <p>• Leiðbeiningar:</p> <ul style="list-style-type: none"><li>Ef fólk finnur fyrir óþægindum er mælt með að halda sig innandyra, loka gluggum, auka kyndingu og slökkva á loftræstingu. Gott er að lofta vel út þegar loftgæði eru góð. Fólk sem finnur fyrir óþægindum er hvatt til þess að hafa samband við sína heilsugæslustöð. Tafla um viðbrögð við loftmengun hefur verið birt á vef</li></ul>



# RÍKISLÖGREGLUSTJÓRINN

ALMANNAVARNADEILD



Umhverfisstofnunar [www.ust.is](http://www.ust.is). Hægt er að fylgjast með mælingum á loftgæðum á síðunni [www.loftgæði.is](http://www.loftgæði.is) Veðurstofan birtir textaspár á vef sínum og viðvaranir eftir því sem aðstæður breytast.

- Tilmæli og leiðbeiningar frá Sóttvarnalækni og Umhverfisstofnun má finna á heimasíðum stofnananna. [www.ust.is](http://www.ust.is) og [www.landlaeknir.is](http://www.landlaeknir.is)
- Veðurstofan birtir spár um útbreiðslu brennisteinstvíldis á vefnum [www.vedur.is](http://www.vedur.is) en þær eru einnig lesnar með veðurfregnum. Leitast er við að koma spánum til skila í sjónvarpsveðurfréttum.
- Umhverfisstofnun er að skipuleggja dreifingu handmæla víða um land til að bæta upplýsingaöflun um dreifingu mengunarinnar.
- Hægt er að senda inn fyrirspurnir og upplýsingar til Umhverfisstofnunar vegna loftmengunar á netfangið [gos@ust.is](mailto:gos@ust.is). Umhverfisstofnun óskar sérstaklega eftir upplýsingum frá fólk sem hefur orðið vart við mikla mengun; hvar það varstatt, tímasetningu, lýsingu á gasmekki, eins og lit og skyggni, og lýsingu á áhrifum (sviði í augum o.s.frv.).
- Þrír möguleikar eru áfram taldir líklegastir um framvindu:
  - Gosið í Holuhrauni fjarar út og öskjusig í Bárðarbungu hættir.
  - Stórt öskjusig í Bárðarbungu. Gos í Holuhrauni verður langvinnt eða vex. Mögulegt er að sprungan lengist til suðurs inn undir Dyngjujökul og valdi jökulhlaupum og gjóskufalli. Einnig er mögulegt að sprungur opnist annars staðar undir jöklinum.
  - Stórt öskjusig í Bárðarbungu og gos í öskjubroti. Slíkt gos gæti brætt mikinn ís og valdið verulegu jökulhlaupi. Öskufall gæti orðið nokkurt.
- Ekki er hægt að útiloka aðrar sviðsmyndir.
- **Frá Veðurstofu Íslands:** Litakóði fyrir flug er áfram appelsínugulur fyrir Bárðarbungu.
- Vísindamannaráð almannavarna hefur ákveðið að fundir ráðsins verði haldnir mánudaga, miðvikudaga og föstudaga. Næsti fundur vísindamannaráðs verður miðvikudaginn 8. október.